

المشاهد

س ١ ٢ ٣ ٤ ٥ ٦ ٧ ٨ ٩ ١٠ ١١ ١٢ ١٣ ١٤ ١٥ ١٦ ١٧ ١٨ ١٩ ٢٠ ٢١ ٢٢ ٢٣ ٢٤ ٢٥ ٢٦ ٢٧ ٢٨ ٢٩ ٣٠ ٣١ ٣٢ ٣٣ ٣٤ ٣٥ ٣٦ ٣٧ ٣٨ ٣٩ ٤٠ ٤١ ٤٢ ٤٣ ٤٤ ٤٥ ٤٦ ٤٧ ٤٨ ٤٩ ٥٠ ٥١ ٥٢ ٥٣ ٥٤ ٥٥ ٥٦ ٥٧ ٥٨ ٥٩ ٦٠ ٦١ ٦٢ ٦٣ ٦٤ ٦٥ ٦٦ ٦٧ ٦٨ ٦٩ ٧٠ ٧١ ٧٢ ٧٣ ٧٤ ٧٥ ٧٦ ٧٧ ٧٨ ٧٩ ٨٠ ٨١ ٨٢ ٨٣ ٨٤ ٨٥ ٨٦ ٨٧ ٨٨ ٨٩ ٩٠ ٩١ ٩٢ ٩٣ ٩٤ ٩٥ ٩٦ ٩٧ ٩٨ ٩٩ ١٠٠

والله يهدي من يشاء الى صراط مستقيم ديني ، علمي ، ادبي ، سياسي هفته لق مجموعة اسلاميه در
اتبعون اهدكم سبيل الرشاد

صاحب ومدير مسئول : ح . اشرف ادیب

عدد ٣٧ - ٢١٩ ٥ ذی الحجه ١٣٣٠ پنجشنبه ١ تشرين ثاني ١٣٢٨ جلد ٢ - ٩

حقننده ایفا ایلاکری خدمات مفتخره عسکریه لرینی تبریک وشکرله وسیفاره لر توزیعله جمله سنی تلطف بیورمشلردر .

هنرنامه :

تایمس غزنه سنک قولومبو مخاری سیلان اهالی اسلامیه سنک محاربه حاضره مناسبیله بیوک بر متینغ عقد ایدرک پینلرنده هلال احمر جمعیتی ایچون اون بیک رویه اعانه طوبلادقلرینی یازیور .

پیشاور علماسی محلی جامعشریفنده محاربه حاضرده عثمانی اردوسنک احراز مظفریت ایتمی ایچون ادعیه مأثوره تلاوت ایلشلردر . بعده بیوک بر متینغ عقد اوله رقی بر هلال احمر هیئت تشکیل ایچون ایجاب ایدن تدابیره توسل ایدلشدر . یوندن کلکته ده دخی اهالی اسلامیه هلال احمر ایچون شمدی یه قدر اون بیک رویه اعانه ویرمشدر . بزقچ کونه قدر مبلغ مذکورک قات قات تریاید ایده جکی شبهه سزدر . الیوم بتون هند اهالی اسلامیه سی بالفان محاربه سنک بتون صفحاتی کمال دقتله تعقیب ایتمکده در .

قاراشی اهالی اسلامیه سی دخی عین کونده ایکی مختلف نقطه ده متینغ عقد ایدرک محاربه حاضره مناسبیله دولت عثمانیه حقننده توجبات صمیمانه اظهار ایتلش و بعده عثمانی سلاحلرینک مظفر اولسی ایچون دعالر تلاوت ایلشلردر . متعاقباً هلال احمر ایچون اعانه جمعنه باشلانیش ، ۱۶۸۵ رویه طوبلانمشدر . بو ائشاده یدی یاشنده بر قزجغز پارمغنده کی یوزوکی چیقاره رقی هلال احمره اهدا ایتلشدر .

انکساره ده :

مانچستر شهبندرلکنندن کلن خصوصی بر مکتوبدن مقتبس :
« مانچستر شهبندرخانه سی الک مشغول زیارتچیلری الک چوق برداره دز .
دون غایت علوی بر حال قارشوسنده بولندم .

صباح شهبندرخانه یه کلکده اختیار پڑمرده قیافتلی یورغون بر عربک مردیون اوزرنده اوطورمش ، بکا انتظار ایلکده اولدیغی کوردم ، بن وطنه اعاده ایچون کلش بر عرب ظن ایتدم . اون میل اوتهدن ماشیاً مانچستره کلن بو بیر محترم آلنک تری ایله قرانمش ، اقتصاد ایتش اولدیغی ایکی انکلیز آلتوتی بکا اوزاتدی وهلال احمره کوندرمکلکمی رجا ایتدی . هویتتی تحقیق ایتدم . هندستانی بر مسلمان ایش ...

اختیار ، خلیفه معظم پادشاهمز افندیخ حضرتلرینه دعالر ایلکده ومملکتیزک سلامتی بتون صافیت وجدانیله سیله منی ایتکه باشلامشدر . بو هندلی مسلمانک مٹام خلافت قارشی بسلامکده اولدیغی حسن مربوطیت و ابراز ایتدیکی حمیت قارشیسنده بر قچ قطره ممنونیت یاشلری دوکدم .

درسیاره :

روسیه مسلمانلرندن یوزی متجاوز مجاهد بالفانلر حربنه اشتراک ایتک اوزره کوکالی اوله رقی جمع کونی سیواس-توپولدن واپورله شهرمنه کلوب ، طوغریجه حربیه نظارتنه مراجعت ایلشلردر .

خارینره :

حمیتلی خارین مسلمانلری کچلرده طرابلس غرب محاربه سنه اعانه اولق اوزره ۲۰۰ روبله کوندرمشلردی . بوکرده خارینک کنج ، منورعلماسندن امام عنایت افندی و طاغستانی سید طاهر افندی حضراتنک ترغیبات دیا . نپروانه لری نتیجه سی اوله رقی ۶۰۰ روبله جمع ایله یته طرابلس غرب محاربلرینه یاخود دیگر موافق بر محله صرف اولمق اوزره استانبوله کوندرلشدر . مبلغ مذکورک بوضره ده الک موافق محل صرفی روم ابلی مهاجرین اسلامیه سی اعانه قومیسوننه ویرمک اولدیغی دوشونیلرک ، شهر امانتنده منعقد مذکور قومیسون وزنه سنه تودیع ومقبوضی بالاخذ خارینه ارسال اولونمشدر .

ذبح قربان حقننده

« اضحیه ده واجب اولان اراقه دم اولوب بوده خالص حقا اولدیغی

۲۸ تشرین اول ، بازار :

بوکونی غزنه لرله حکومت طرفندن « عساکر عثمانیه نک چتالجه خط مدافعه سنه چکیمک لزومی حس ایله اوراده اکمال تحشیدات ایتمکده بولوندیغی و یونک پایتخت قاپوسی اوکونده بر محاربه بولاجفندن عبارت اولدیغی و بوسو-رتله ده هیجان و خلعانلره سببیت ویره ییله جکی نظر اعتباره آلنه رقی هر درلو وقایعک اوکی آلتق اوزره تدابیر ضابطه و سیاسیة اتخاذ ایدلکی « بیان ایدلکدن صوکره ، آسایش مملکتی اخلاص ایتک قصدیه بدخواهانه شایعه لر نشر ایدن فسدنک شدتلی مجازاته دوچار ایدیلجکی رسماً تبلیغ اولنیور و « حکومت حاضره نک استناد ایتدیکی سلامت وطن امل ملیندن اخذ قوتله و فعالیت عظیمه ایله حرکت عازم و هر درلو تردددن سالم « اولدیغی اعلان اولنیور . باب مشیختدن دخی چتالجه ده اجتماع ایتکده بولنان افراد عسکریه یه آکلایه جقلری ان ایله نصایح لازمه ومؤثره ایفاسیله اردوی هایونک تقویه معنویاتی و افراک تریاید شوق و غیرتلی ایچون علمادن یوز قدر نطوق و نافذ الکلم ذواتک خادم کوبینه اعزاملری هیئت عسکریه جه بالاتخاذ ، مجلس وکلاجه تنسیب اولنان قرار اقتضاسدن اولدیغی وجهله باب فتواجه درسعادتده کی مدرسین کرام ایله رجال علمیه دن اوصاف مذکوریه یی جامع ذواتک اردوی هایون قرارگاهنه عازم اوله جقلری اعلان اولنیور . علمای مشارالیه من الی ذات بوکون قرارگاهه کیدیورلر . میدان حربدن پیدری درسعادتده کلن مهاجرین آراسنده قولرا خسته لنی وقوع بولدیغندن بوکوندن اعتباراً پایتخت قولرالی اعلان ایدیلرک تدابیر صحیه یه توسل اولنیور . بوکون ده دول معظمه سفراسی آوستریا سفارتخانه سنده اجتماع ایدیورلر . اعیانندن مشیر فؤاد پاشا ، بحری وولی پاشا لر چتالجه یه عزیمت ایدیورلر .

۲۹ تشرین اول ، بازار ابرسی :

تکفور طاغی جوارنده دشمنک بر بطاریه سی دوننانک طوب آتشیه محو و پریشان ایدلکی دونما قوماندانلغندن بیلدیورلر . چتالجه یه عزیمت ایتش اولان هیئت عسکریه و اعیان درسعادتده دونه رکی حال اجتماعده بولنان هیئت وکلایه داخل اولیور . حال وموقع ووضعت حربیه حقننده ایضاحات ومعلومات ویریورلر . بوکون متارکه عقد اولنه جق دیه بر شایعه دوران ایدیورسه ده اصلن اولدیغی معلوم اولیور .

۳۰ - ۳۱ صالی ، جمره منبر :

سلانیک والیسی درسعادتده حرکت ایدیور . روم ایلی حقننده بر چوق خصوصی خبرلر آلنیور . فقط غزنه لرده بوبابده یرشی مندرج دکلدر . هرکس حیرت وانتظار ایچنده در . بتون امیدلر اللهه ، چتالجه اردوسنه قالمشدر .

عالم اسلامده تظاهرات

ایرانیدر آراسنده :

تجار و تبعه ایرانیه دن مرکب تشکیل ایدن قومیسون واسطه سیله مجروحین غزاة عثمانی ایچون اعانه جمع ایدلکده اولدیغی اولجه یازمش ایدک . ایران سفیر کبری احتشام السلطنه میرزا محمود خان حضرتلری ولایات شاهانه کارپردازلرینه دخی تلغرافنامه لر کشیده سیله اورالرده مقیم تبعه ایرانیه جه ده اعانه جمع ایدلشی اشعار وقویاً توصیه بیوردقلرندن بصره ده مقیم تبعه ایرانیه دن درحال آلتش عثمانی لیراسی جمع وشهر مذکورده مقیم هلال احمر جمعیت محترمه سنه تودیع قلندیغی بصره باش کارپردازلغندن سفارت کبرایه وارد اولان تلغرافنامه ده بیلدیورلر .

ایران سفیر کبری احتشام السلطنه میرزا محمود خان حضرتلری پنچشنبه کونی ایران مظفریه خسته خانه سنه عزیمتله تداوی ایدلکده اولان مجروحین غزاة عثمانیه یی زیارت وبالعموم مجروحینک خاطرلرینی استفساره وطن مقدسلری

جهتله بلا ذبح قربانك عینتی یا بدلنی تصدق و یا خود مجاهدینك امورینه صرف ایچون اعطا شرعاً واجبی اسقاط ایتیه جکندن ذبح ایدیلهرک واجبی ادا و ایفادن صوکره قربانك جلود و لحومنی و او جلود و لحومنك بدلرینی و واجب اولیوبده متوفی ابون و اقربا و تعلقاتی ایچون و یا صور سائر ایلله قطعاً ذبح ایدیلهرک قربانلرک بدلاتی مرخیر مذکوره اعطا ایتك جائز و مشروع اولدینی بوبابده افواه ناسده دائر و بعض اوراق حوادثه مبسوط بعض مقالات اوزرینه لدی السؤل فتواخانه دن افاده قلمسنه و مقصد اصلی هم ذبح قراین ایلله ایفای وجیهه شرعیه همد عسا کر شاهانه غزاة و مجروحینه اعانه فضائلك جمعندن عبارت اولمسنه نظراً ذبح ایدیلهرک قراین جلود و لحومنك بو امر خیره خرج و بر صورت مؤتمنه ده توزیعی ضمننده اوقاف هایون ناظری پاشا حضر تلرینك ریاستی تحتنده دونما اعانه سی قومیسوئندن و باب فتوا ایلله شهر امانتدن برر اعضا بولمق اوزره برانجمن تشکیلی ایلله ایجاب حالك مذاکره سی مجلس و کلاجه تنسیب قلمشدر . « استخبارات »

وثائق تاریخیه

علمایه خطاباً جهاد بیاننامه سی

مقام مشیخت علیا مستشارلغندن تبلیغ ایدلشدر :

اطرافزی احاطه ایدن دشمنلرک عسکرلرینی تشویق و تشجیع ایچون بتون رؤسای روحانیلری صلیب بدست اوله رق اردولرنده چالشمقده اولدقلری سالده بزم علماطرفندن هنوز بویله بروطفیه نك ایفاسندن تغافل ایدلسی اصلاً و قطعاً جائز اوله میه جنی جهتله من عندالله موعود اولان نصرت و مظفریتك برآن اول عسا کر عثمانیه جانبنده نمایان اولمسی ایچون علماء کرام طرفندن دخی بویولده بر جهاد اجرایی و ذاتاً هربری بر غضنفر اولان افراد عثمانیه نك قوه معنویه لرینك تقویه و اعلاسی فرض مرتبه سنه واصل اولمشدر . شووطفیه مهمه و مقدسه یه اشتراك ایچون کندوسنده اهلیت و قدرت کافیه موجود اولان علماء دینك ایچلرندن مناسبلری انتخاب و اعزام قلمق اوزره همان باب فتواده درس و کالتنه مراجعته شتابان اولملری کمال اهمیتله اعلان اولنور . ۲۶ تشرین اول ۳۲۸

بایتكك تأمین آسایشی مقصدیه تبلیغات رسمیه

مطبوعات داخلیه مدیریئندن :

بالقان حکومات اربعه سیله باشلانیلان حرب مقتضای تقدیر الهی اوله رق هنوز ایتدلیکی کبی قرین موفقیت اوله مامش و بو جهلندن اولق اوزره شرق اردوسی چتالجه خط مدافعه سنه چکیلک لزومی حس ایلله اوراده ا کمال تحشیدات ایتکده بولمشدر . بو خط مدافعه پایتخت سلطنت سنیه نك قپوسی مشابه سنده اولدینی جهتله پیشکاهنده دشمن اردوسی بولمسی پایتختك حضور و آسایشی اعتباریله حائر کمال اهمیتدر . شمدی چتالجه نك صورت لایقه ده اسباب مدافعه سنی استکمال نه درجه شایان اعتنا ایه پایتخت قپوسنده کی بر محاربه نك یوزده اون موفقیتسزاک احتمالی بیله او قدر جالب نظر دقت اولق طبیعی بولندیغندن حکومت سنیه جه بر طرفندن کافه وسائط مدافعه یه مراجعتده ذرئاً قصور ایدیلهرک حقوق و منافع مملکتك محافظه سه بذل مقدور اولمق ، دیگر طرفندن ده پایتخت سلطنت سنیه نك محفوظیتی امنیه سنه معطوف تدابیر

سیاسیه توسل ایلک طریق اختیار اولندی . بحوله تعالی پایتخت عثمانینك مصنوعیتی اسبابی استحصال ایدلکده اولوب آنحق بونك برنجی درجه ده متوقف علیهی هرکسک کمال حضور و سکون ایلله مشاغل ذاتیه سنه حصر افکار ایدهرک احوال عادییه ده مضرت قلیل اولان افعالین بیله توقی ایتسی امر مهمیدر . حال بویله ایکن مقاصد مخصوصه تعقیب ایدن بعض اشخاصك اختراع و بعض سبکمز لرك نشر ایتدکلری یالان یا کلتش شایعات ایلله شهرک آسایش آتسی حقنده کی امنیته ضعف طریان ایتسی حکومت سنیه جه نظر مساحه ایلله کوریلهره . حتی بودرلو اشاعات مصنعه تأثیریلله اوروپا سفیرلری طرفندن دولت متبوعه لری تبعه سنه امنیت بخش اولق اوزره درسعات لیئانه موقتاً سفائن جللی التماس ایدلش و طرف حکومت سنیه دن کافه تدابیر تأمینیه متخذ اولقله برابر اسعاف التماس موافق کورولمشدر . مسرودات آنفه ایلله تماماً آ کلاشیلورکه بو کون عن قصد و یاعن جهل بر طاقم حوادث کاذبه اختراعیلله تخویف قلوبه و تخدیش اذهانه چالشمق و وطن عثمانیه قارشى بیوک بر خیانت و بلکه بر جنایتدر . بناء علیه استخلاص وطنی اس الحركات اتخاذ و بتون دقت و غیرتی بو نقطه یه رکز ایدن حکومت حاضره بودرلو شایعاتی ایجاد و بیلیر بیلیمز تکرار و نشر ایدنلر حثنده مجازات شدیدیه اجرایی و هر نه زم و صورته اولورسه اولسون تهییج اذهانی و اخلال سکون و حضوری انتاج ایدهرک بالجه تشبثات و حرکاته قارشى تدابیر قطعیه اتخاذینی قرارلاشدرمشدر . حکومت حاضره استناد ایتدیکی سلامت و وطن امل ملیسندن اخذ قوتله فعالیت اعظمیه ایلله حرکت عازم و هر درلو ترددن سالمدر . شو حقیقت عمومیه معلوم اوله رق اوکا کوره حرکت ایدلک و ارباب مطبوعات ده غرته لرنده لسان جدیته یاقیدمناز مقالاتدن توقی ایلک اوزره کیفیت بیان و اعلان اولنور . ۲۸ تشرین اول ۳۲۸

حریت و اشرف قلوب برینک اسرارى مقصدیه کی بیاننامه

آلتیوز سنه نك عثمانی سلطنتك اوروپا هیئت دولیه سی اعضا لغندن چیقارلسی مهاجرتیه نك نازک بر دوره یه کیرن و مقدراتی اولا اراده الهیه ، ثانیاً کندی سونکوسنه استناد ایدن بوملت معظمه نك افرادی آرهم سنده شو صره ده فرقه حیاتی تفرقه حیاتیله تفسیر ایدیلهرک و برفرقة سیاسییه نك عوامل فعالیتندن اولان انتخابات ایلله پارلتو مشاغلنه احوال حربیه یوزندن الحاله هذه امکان کورلدیکی جهتله اجتهاده بذل جهاده حرمت و تسلیمیت کامله کوسترمک وضعیتنده بولندیغمری بالقدر اقدیمجه برفرقة سیاسییه تشکیلیله بزی میدان مجاهده یه سوق ایدن عوامل اردونك سیاسیاتدن و بولتیقه جیلردن (ولولک کچ اولسون) قورتلسی صورتیله زائل اولدیغندن جناب حق بوملت نجیبیه یی محاربه حاضره دن سلامتله چیقارمسی دعاسیله حریت و ائتلافک سیاسی پروغرای وقت مرهونده آچیلهرق اولان مجلس مبعوثانمزک اعضای محترمه سنه امانت ایدیلهرک بودقیقه دن اعتباراً مملکتده حال طبعینك عودتنه قدر مؤسسات سیاسییه مزک سدیله بتون عثمانیلرک حساسیت فدا کارلیرینی لازمه حربک یوکسک بر پارمق ایلله اشارت ایلدیکی - دمت وطنیه یه حصر و توجیه ایتلری توصیه و بیان اولنور . ۲۸ تشرین اول ۳۲۸

حریت و ائتلاف فرقه سی رئیس ثانسی

صادق

اداره عرفیه بیاننامه نك ایلنجی زبانی

- ۱- ۲۵-۲۴ تاریخی اداره عرفیه بیاننامه سنك صواب قتره سی ملغادر . یعنی فرق سیاسییه قلوبلرده اجتماع موعودر .
- ۲- خسته خانه حاله افراغ اولنان قلوبلرده مجروحینك امور صحیه سیله خدمتنه مأمور اولانلردن غیر کییمه بولک میه حق ، یالکز اوقات مخصوصه ده مجروحینی زیارته کلنلر قلوبلره کیره بیله جکاردر .
- ۳- قلوبلرک امر محافظه سیله مکلف اولان مستخدمین ممنوعیت واقعه دن مستثنا در . ۳۰ تشرین اول ۳۲۸

مطبعة احمد احسان و شرکاسی مدیر مسئول : اشرف ارباب